

ԱՐԵՎԵԼՅԱՆ ՀԱՅԱՍՏԱՆԻ ՄԻԱԿՑՈՒՄԸ ՌՈՒՄԱՍԱՆԻՆ
ԺԱՄԱՆԱԿԻ ՀԱՅ ԳՈՐԾԻՉՆԵՐԻ ԳՆԱՀԱՏՄԱՄԲ

Հայ ժողովրդի բաղամոգարյան պատմության մեջ անկյունաքարային նշանակություն ունեցավ պարսկական բռնափրկությունից Արևելյան Հայաստանի ազատագրվելու և Ռուսաստանին միակցվելու իրողությունը: 1828 թ. փետրվարի 10-ի Քուրմենշապի պայմանագիրը և Հայկական մարզ ստեղծելու վերաբերյալ մարտի 21-ին Նիկոլայ առաջինի հրամանագիրը հայ ժողովուրդը դիմավորեց խանդավառությամբ: Նշանավոր այդ իրողությունները նոր հովեր մտցրին ընթացիկ կյանքի մեջ և խորհրդածությունների ու մտորումների առարկա դարձան ժամանակակիցների համար: Մի պահ թվում էր, թե ազգային տեսիլների մեջ ուրվագծվող Հայաստանին փոխարինելու էր գալիս ունալ, շոշափելի Հայաստանը:

Ժամանակի հայ գործիչները տակավին չէին նշմարում ցարիզմի գաղութային նպատակների և իրենց ակնկալությունների տնտես անդունդը: Դեռ նրեվանը պրավելուց առաջ՝ հայ ժողովրդին ազատագրական պայքարի ոգեկոչող իր հորդորներով Ն. Աշատուրակեցին ցույց տվեց իր և իր ժամանակակիցների պատրանքները: «Հայտնի է ձեզ, — կտրղում ենք նրա կոչերից մեկում, — նաև Ռուսաստանի օգոստոսափառ պետության նպատակը: Նա իր հզոր բաղուկը տարածեց մեր հայրենակիցների վրա ոչ այնքան իր սեփական օգտի..., որքան մեր անդորրության և բարօրության և Քրիստոսի սուրբ կրոնը և եկեղեցին պաշտպանելու համար»¹:

Հայաստանի քաղաքական զարգացման համար ի՞նչ ընթացք էին ակնկալում հայ ժողովուրդը և ազատագրական շարժման նրա ղեկավարները նշանավոր դեպքերի՝ ռուս-պարսկական պատերազմական գործողությունների ժամանակ:

Հայ հոգևորականության բարձր շրջաններում և ժողովրդի ամենատարբեր հասարակախավերում տակավին հօգս չէին ցնդել հայկական ինքնավար նահանգների, ազատված եկեղեցու, քրիստոնյա հովանավորության մասին պետրոսյան և եկատերինյան պատմաշրջաններից եկող հրապուրիչ խոստումները: 1826—1828 թթ. ռուս-պարսկական պատերազմի ժամանակ դարավոր դժոխքը թվում էր վերացված և հայ գործիչներից շատերը իրենց խանդավառ միամտության մեջ կարծում էին, թե ցարական պեներալների թեկերի վրա «հայկական ինքնավարության» գաղափարներն են արշավում ղեպի Պարսկաստան:

Արևելյան Հայաստանի ազատագրումը պարսկական լծից ցնծություն առուցրերեց հայության բոլոր հատվածներում, այդ թվում և հնդկահայ պաղովում: Կալկաթայում պումարված բաղամամարդ ժողովում Մ. Թադիադյանը հասն էր

¹ Ա. Երիցյան, Ամենայն հայոց կաթողիկոսությունը և Կովկասի Հայք XIX դարում, մասն Ա, Թիֆլիս, 1894, էջ 238:

որտասանում՝ «Ի վերայ ազատության հայոց աշխարհին»։ Նաև կոչ էր անում ժողովականներին. «Եկայր ելցուր ի Հայաստան, համբուրեսցուր զուսուրճախառն արտասուր զփրկեալ հոգ հայրենեաց մերոց...»²։

Իրենց նամակում Կալկաթայի տարտղիր հայերը՝ խնդակցությունից զատ հույս էին հայտնում, որ մեկ-երկու տարի անցնելուց հետո, իրենցից շատերը կտեղափոխվեն Արարատյան երկիր և ողգակիցների հետ միասին կօգտվեն այն արտոնություններից, որից օտար երկրում զրկված են իրենք։ Հայերն այլևս հայրենիքից դուրս ղեղերելու պատճառներ չունեն, բանդի մեծ Ռուսիան նրանց իր զիրկն էր հավաքագրում³։ Փուլթ չէր տմենեին, որ Հայաստանի իսկական ազատագրության վաղեմի ծրագրերը խոնանում էին ցարական դիվանների ամուր պահարաններում։ Հայ գործիչները շարունակում էին փայփայել կայուն այն բաղձանքը, թե պարսկահայերի ողբերգական ներկան ուսական հովանավորության և խնամակալության շնորհիվ կդառնա երջանիկ ու ապահով։ Նրանք, ղեռ պատերազմի եռուն շրջանում, հազիվանակի հանդեպ հավատ էին ներարկում ժողովրդի ամենալայն ղանգվածներին և սուր դնում նրանց ձեռքը՝ մաճի ու մանգաղի, մուրճի ու համբարական դալգահի, արշինի ու կշեռքի փոխարեն, իսկ վարդագույն ապագայի հույսերով ոգևորված ժողովուրդը ամեն ինչ անում էր ղյուրացնելու ուս բանակների հաղթանակը։ Ն. Աշտարակեցին հավաստիացնում էր հայ կամավորներին, թե «...Ռուսիո օգոստոսափառ ինքնակալի ողորմած ուշադրությունը պսակներ կշուսեն թե ձեզ և թե բոլոր ձեր համազգիներին»⁴։ Ընդհուպ մինչև ուս-պարսկական պատերազմի վերջը, իր ձեռքըն առած Քրիստոսի խաչն ու ցարի դրոշը, Ներսեսը ուսական բանակներին ցույց տված իր աջակցության համար արժանացավ ոչ միայն կովկասյան բարձր հրամանատարության, այլև թագավորի համակրանքին ու վստահությանը։ Նրա և հայ մյուս գործիչների ուսական օրինետացիան բնավ չէր բխում լոկ ուսահայատակ դառնալու մարմաջից կամ եկեղեցական-վարչական շահախնդրություններից։ Ն. Աշտարակեցին և Գր. Մանուչարյանը, Հ. Ալամդարյանն ու Ղ. Լուսարյանը անդրադարձնում էին այն ակնկալությունները, որոնք առկա էին ժողովրդի ամենատարբեր ծախերում։

1827 թ. մայիսի 15-ին, Թիֆլիսի հայկական եկեղեցիներից մեկի հրապարակում, գեներալ Սիսյակինի ղեկավարությամբ տեղի ունեցած Հայկական կամավորական զնդի երկրորդ ղորահանդեսում արտասանած իր ճառում, Ներսիսյան ղարոցի տեսուչ Հ. Ալամդարյանն ասում էր՝ «...ղրոշակ ալդ, որ այսօր վերակարգալով ղահաուր անուն տեառն սրբաղանս և տուալ զնդի ձերոյ, է առհաւատաչեալ սիրոյ Աստուծոյ և նորա առ ձեզ։ Պահեցեք ղայս անգին աւանդ իրրև ղբիր ական»⁵։ Ընդարձակ իր ճառում Ալամդարյանը, մասնավորապես, կանգ է առնում հայ ժողովրդի պետականության կորստյան և օտար նվաճողների տիրապետության տակ ընկնելու պատմական փաստի վրա։

² Ցուղակ վասն ամի տեառն 1829, սուղղրեալ ի գործատան մարղասիրական ձեմարանի, Ի Կալկաթա, էջ 24—84։

³ Մատենադարան, Գաթղիկոսական դիվան, թղթ. 63, վավ. 320։

⁴ Ա. լ. և ի իցյան, Ամենայն հայոց կաթղիկոսությունը և Կովկասի Հայք XIX ղարում, սույն տեղում, էջ 248։

⁵ Ա. լ. և ի իցյան, Ամենայն հայոց կաթղիկոսությունը և Կովկասի Հայք XIX ղարում, մասն Ա, Թիֆլիս, 1894, էջ 276։ (Հ. Ալամդարյանի չիշյալ ճառի հայերեն և ուսերեն ձեռագիր օրինակները պահվում են Մատենադարանում, Ա. լ. և ի իցյանի արխիվ, թղթ. 159, վավ. 195)։

Հայ գործիչները դիտելին, որ սկսված պատերազմը նոր դոճեր էր պահանջում մասը հայրենիքում բանակապես աննշան և նյութապես աղքատ հայ ժողովրդից, բայց՝ «Այս ամեն զոհողությունները կկատարե ներսես, որովհետև առաջուց խոստումն քննարկում էր Ռուսիո տերություններն, որ հաջողություններ հետ Հայոց ազգին ապաստ պիտի լինի և անկախ իշխանություն պիտի ունենա Արարտյան գավառի մեջ»⁶:

Հայոց թագավորների և իշխանների տարեգրության ձևադիր իր աշխատության առաջաբանում Գևորգ Խուրովը՝ Երևանի գրավման ժամանակ ծնված թագաժառանգ Կոնստանտին Նիկոլայևիչի հետ էր կապում հայկական թագավորության վերականգնման ժամանակակիցների բաղձանքները⁷: Թուրքական տիրապետությունից ազատագրվելու ցանկությամբ էր տոգորված և արևմտահայությունը: Այլ երիցյանը պատմում է, որ Թուրքիայում «...հավանական էին թվում Պոլսո մեջ պատած լուրերը, որ իբր թե Ռուսիան մտադիր է՝ Հայոց թագավորություն հռչակելու մտքով՝ խլել նաև Տաճկական Հայաստանը»⁸:

Գեղի Անգրեկովկաս առաջխաղացող ցարիզմը սահմանամերձ երկրներում աջակիցներ ու համակիրներ հավաքագրելու իր արագիցիոն քաղաքականության համապատասխան, հայ ժողովրդին դիտում էր այն ուժերից մեկը, որ կարող էր որոշակի նպաստ բերել նվաճողական իր ծրագրերին: Սակայն XIX դարեմուտից և, մասնավորապես, նապոլեոնյան բանակների ջախջախման ավարտից ու «սրբազան դաշինքի» ոգեշնչողի դերը ստանձնելուց հետո, ցարիզմըն ընդմիջտ փակված էր համարում հայ-ռուսական քաղաքական սիրախաղի հին շրջանը: Խոստացողի ու հուսադրողի երբեմնի իր գործելակերպից չհրաժարվելով, նա այժմ էլ ջանում էր կազմակերպել աղերսներով իր օգնությունը հայցող բրիտանյանների ուժը տերիտորիալ նոր վիրահատումների համար, այն տարբերությամբ միայն, որ Ռուսաստանի հովանավորության ներքո «հայկական թագավորության» կամ «ինքնավարության» փոխարեն հայերը պիտի բավարարվեին կայսերահպատակ դառնալու մեծագույն շնորհով: Ինչպես 1800-ական թվականների ըմբոստ վրացիները, այնպես էլ 1820-ական թվականների հայ գործիչները տակավին հասու չէին այն գիտակցության, որ առկա քաղաքական պայմաններում մնում էր միայն հոժարել սեփական թագավորական ռեժիմն ու շահնշահի տիրապետությունը՝ ցարականով փոխարինելու մտքի հետ: Մի կողմ վանելով պատմության փորձը, գաղափարապաշտ ազգային այդ գործիչները ձգտում էին գտնել այն, ինչ կորցրել էին վրացիները երեք տասնամյակ առաջ: Հայ կամավորները մարտնչում էին Երևանի, Նախիջևանի, էջմիածնի, հայկական յուրաքանչյուր գյուղի համար, և նրանցից ամեն մեկը երևակայում էր, թե հաղթանակի կամ պարտության պատճառը իր ղեկն է: Մինչդեռ կամավորների գոտեմարտը՝ արտացոլումը չէր այն պայքարի ու նպատակի, որ նրանց զինավերելում մղում էին ռուս ցարն ու ղեկերալները հայ ժողովրդի ճակատագիրը որոշելու համար: Կույր հավատի ու միամտության պահերը դեռ չէին անցել: Հետագա իրադարձությունների լույսի տակ միայն հայ գործիչները կարողացան պանդանոս ցարական խոստումների դրական և բա-

⁶ Նույն տեղում, էջ 242:

⁷ Տե՛ս Մատենադարան, Անուդիր N° 3755:

⁸ Այլ. երիցյան, Նույն տեղում, էջ 358:

յատարական երանդները, ըմբռնել քրիստոնեասիրական լուզունդների գործնական իմաստը:

Ռուս-պարսկական պատերազմի վերջին պահերին, և առանձնապես այն ավարտելուց հետո, Պասկեիչը միջոցների խտրություն չէր դնում երկրամասից վտարելու նշանավոր հայ գործիչներին: Ն. Աշտարակեցու գործունեությունը Անդրկովկասում գիտվեց այլևս ավելորդ, քանզի «նա իր գերն արդեն կատարել էր Ռուսաց քաղաքականության նկատմամբ...»⁹:

Ն. Աշտարակեցու հետ իր հաշիվները մտքրելուց հետո, Պասկեիչը դավեր ու հուսմունք սկսեց նաև Հ. Ալամդարյանի դեմ, մի մարդու, որ «պատրաստեալ էր մատուցանել պանծն ի զոհ վասն օգտի հայրենեաց և հայկազուն մանկաց»¹⁰: Ըմբոստ վարդապետի ընդհարումները ցարական շինովնիկների հետ՝ Ներսիսյան դպրոցի և հայ եկեղեցու ինքնավարության հարցերի շուրջը հաճախ լարված բնույթ էին ստանում: 1830 թ. աշնանը էջմիածնի սինոդը, Պասկեիչի թեւադրանքով, Ալամդարյանին՝ «իբր խռովարար և Ներսիսեան» աքսորեց Հաղպատ: Այստեղ հայ կամավորական զորագնդերի կազմակերպիչը լավկան տողեր էր գրում և անիծում իր ու իր կուսակիցների ճակատագիրը¹¹: Քնարերգու բանաստեղծը երկար պիտի մնար Հաղպատի վանքում, եթե չսկսվեր լեհական ապստամբությունը և Պասկեիչը չմեկներ Կովկասից: Աշտարակեցու հրավերով Ալամդարյանը փոխադրվեց Քեսարաբիս և նշանակվեց Սուրբ Խաչ վանքի վանահայր, որտեղ և մահացավ 1834 թ.:

Հայ գործիչները ոչ միայն մեծ կարևորություն էին տալիս ամբողջական ու ամփոփ հայկական տերիտորիայի ստեղծմանը, այլև ամեն ինչ անում էին հայերի ներգաղթը հաջողությամբ և ժամանակին ավարտելու համար, քանզի գիտեին, որ ազգի համախմբմամբ է միայն հնարավոր հայկական բնաշխարհում վերականգնել ազգային ոգին և ուժ հաղորդել հայոց լեզվին: Ի դեպ, Պասկեիչը պատերազմի հաղթական ավարտից հետո զրպարտում էր գաղթական հայերին, որ իրր նրանք Ռուսաստան են գաղթել՝ շլացած ռուսական ոսկուց: Քարերախտաբար պահպանվել է գնդապետ Հաղարյանի այն գրությունը, որում առարկում է Պասկեիչի այդ զրպարաությունը: Գնդապետ Հաղարյանը հայտնում է ցարական գաղութարարին, որ Անդրկովկաս գաղթելու հայերի ցանկությունից դատ՝ կառավարությունն էլ «հավելյալ շահույթ ունի», այլապես նա հաղարների տեղ կուպեկներ իսկ չէր ծախսի ներգաղթի կողմակերպման համար¹²: Ցանկանալով Ղ. Հաղարյանին Կովկասից վտարելու համար հավաստի կովաններ ունենալ, 1828 թ. սեպտեմբերի 28-ին Պասկեիչը զադտնի շրջաբերական գրեց Պարսկաստանում գտնվող ռուսական զորքերի հրամանատար Պանկրատեին, Հայկական մարզի կառավարիչ Ալ. Ճավճալաձեին, ներգաղթի գծով Հաղարյանի օգնական, փոխգնդապետ Մովսես Երկայնաբազուկ Արղությանին և Թեհրան մեկնող ռուսական դեսպան Ալ. Գրիբոյեդովին: Սրանցից ամեն մեկը պետք է բնութագրեր Ղ. Հաղարյանի տեղն ու դերը 40 հազար պարսկահայերի ներգաղթման գործում: «...Հայոց մշտական զորք ժողովելու», ինչպես նաև «իր ենթադրությունների մեջ Ղարաբաղը և մյուս երկրները» մտցնելու վերաբերյալ՝ բնու-

⁹ Ալ. Երիցյան, նույն տեղում, էջ 276:

¹⁰ Խ. Արդյան, Ելժ, ութերորդ հատոր, Երևան, 1958, էջ 312:

¹¹ Տե՛ս Ալ. Երիցյան, նույն տեղում, էջ 652:

¹² Տե՛ս Պ ո տ տ ո, Վերածնություն Հայաստանի, 1904, էջ 21:

թուղթերի մատակարարած տեղեկությունները բավական էին, որպեսզի Պոստիվիչը խաղաղությանն իտարեր Կովկասից: Այստեղ ուշագրավն այն է, որ նրա հետ սերտ նամակագրության մեջ գտնվող Ն. Աշտարակեցին նույնպես մեղադրվեց «պետական շահերի մասին» չմտածելու, «երկրի վարչության մեջ խառնվելու», Մակվի խանության կցումով հայկական մարզի տերիտորիան ընդարձակելու նկրտումների համար¹³:

Հալարյան զնդապետը, շարունակում է Ալ. Նրիցյանը, «...ազատախոնքությամբ տոգորված, ներսևի նման, հափշտակված էր հայրենյաց ազատության պաշտպաններով»¹⁴: Հարկավ, մեծանուն Հալարյանների հայրենասեր ու ազգային-քաղաքական որոշ ծրագրեր փափագող վերջին ներկայացուցիչն էր Ղալարուսը, որովհետև Անդրկովկասի նվաճումն ավարտվելուց հետո, երբ ցարիզմն այլևս կարիք չուներ հայ առևտրական բուրժուազիայի և հոգևորականության օժանդակությանը, բնական է, որ նրանք կզրկվեին այն ազդակներից, որոնցից սնունդ էր ստանում նրանց ինչպես քաղաքական ակտիվ դերը, այնպես էլ հայրենասիրությունը¹⁵:

Հուսախաբությունը համակում էր նաև հայ մեծատունների մյուս հատվածներին:

Արևելահայաստանում տնտեսական կյանքի կայունացումը գաղթահայերի ազգային հոգեբանությունը սնում էր «ազատ» հայրենիքում անկաշկանդ գործելու պատրանքներով:

Զոհմանալով անզլիական առևտրա-արդյունաբերական մագնատների մըրցակցությանը, երբեմնի տիրապետող դիրքերը գրաված հնդկահայ խոշոր առևտրականները հետզհետե նահանջում էին իրենց գրաված բարձունքներից, միանում եվրոպական առևտրական ֆիրմաներին՝ առկա կապիտալներն այնտեղ պահպանելու մտայնությամբ: Հայ առևտրական կապիտալի վիճակը առավել վատթարացավ, երբ «Անգլիան սկզբից դուրս մղեց հնդկական բամբակյա գործվածքները եվրոպական շուկաներից, ապա սկսեց Հնդկաստան ներմուծել ոլորած մանվածք ու վերջում բամբակե գործվածքների հայրենիքը ողողեց բամբակեղեն ապրանքներով»¹⁶: Հնդկահայ փողատերերի առավել հեռատես մասը զգում էր կլանիչ ինտեգրացիայի վտանգը և միջոցներ որոնում փրկվելու օրհուսական կործանումից: Ազատագրված Հայաստանը գործունեության այն տեղն էր, ուր տնտեսական բազա ստեղծելու և կապիտալներն աճեցնելու մեջ էին նրանք տեսնում փրկության գլխավոր միջոցը: Այսպես, 1829 թ. հոկտեմբերի 29-ին Ն. Աշտարակեցուն հասցեագրված նամակում վաղուց ի վեր Հընդկաստանի Սումարանց քաղաքում բնակվող, մեծ կուլվածքների ու հորստության տեր Հովսեփ Ամիրխանյանը «տարեկան կես միլիոն ռուբլի եկամուտ դրամագլուխ կառաջարկեր... և թե իր նախնեաց հայրենիքի ազատությունը ապահովված գիտնար»¹⁷: Նշանավոր այդ նամակում հնդկահայ մեծատունը «մեր հին հայրենիքի մեծագույն ապառիչին» իր մշտական երախտագիտությունը հայտնելուց և Պարսկաստանում ու Հայաստանում իր ազգատոհմի «ազնիվ» արյան

13 ՏՆ՝ս Ալ. Նրիցյան, նույն տեղում, մասն Ա, էջ 393:

14 Նույն տեղում, էջ 310:

15 ՏՆ՝ս Վ. Դիլոյան, Հալարյանների հասարակական-քաղաքական գործունեության պատմությունից, Երևան, 1966, էջ 138—139:

16 К. Маркес и Ф. Энгельс, Сочинения, т. 9, Москва, 1957, էջ 133:

17 Խ. Յրմանյան, Ազգապատում, մասն 3, Երուսաղեմ, 1927, էջ 3749:

նվիրականությունն ժառանգելուց հետո, ի վերջո ասպարեկ էր հանում իր հիմնական նպատակը՝ «Միով բանիմ հաղորդեցեր ինձ՝ իմ Որսույ տերությունն ինչ գիտավորությունն ունի մեր ազգի վիճակի մասին: Ի վերջո՝ պարզապես խոստանում եմ ձեզ, որ մոտադիր եմ, եթե միայն կարելի լինի, գնել պրամով իմ նախնեաց երկրները, այն է՝ Ղարաբաղի աշխարհը Փայտակալությանի հանդերձ, կամ եթե մի որոշ հարկ առն նրանց տիրելու համար, վասնզի հարազատ երկրներին կորուստը ինձ համար վերին աստիճանի զգալի է»¹⁸:

Այսպես ուրեմն, և՛Թե հայ կղերաաղայական դասի ներկայացուցիչը ջանում էր Մակուն միացնել Հայկական մարզին, ապա զաղութահայ առևտրական կապիտալի ծախսատարը՝ հնարավորության դեպքում Ղարաբաղն ու Փայտակարանը, ըստ երևույթին, զրանք ևս Արարատյան աշխարհին միակցելու և հայկական ինքնավարության շրջանակները ավելի մեծացնելու նպատակադրմամբ։ Ստանալով նամակը, Աշտարակեցին այն ուղարկեց Խ. Հաղարյանին, որը ռուսերենի թարգմանելուց հետո ներկայացրեց կոմս Բենկենդորֆին։ Ռուսաստանի ներքին գործերի տնօրենը անմիջապես պատասխանեց, որ «նորին մեծությունը» Ամիրխանյանի պահանջած տեղեկություններին պատասխան կտա՝ նրա հետ անձամբ հանդիպելուց հետո¹⁹։ Այնուհետև պատմությունը լռում է, բայց ինչ էլ եղած լինի, մի բան պարզ է, որ Բենկենդորֆի բերանով ցարը հասկացրել էր նրան, որ Ռուսաստանի տիրապետության տակ անցած Անդրկովկասում և Հայաստանում ինքն է միայն տերն ու տնօրենը, և որ իր կայսրության մեջ պաշտոնական, ռուսական ազգային պետական մտածողությունից յուրաքանչյուր շեղում պետք է մերժվի և դեն շարտվի։ «Ճարական կառավարությունը, — Ժիշտ կերպով նկատում է պրոֆեսոր Վ. Պարսամյանը, — հայկական մարզի ստեղծման հետ բնավ չէր կապում ոչ «անկախ», ոչ «ավտոնոմ» Հայաստան և ոչ Ռուսաստանի հարավում «բուֆերային» մի պետություն ստեղծելու նպատակը։ Նա բոլորովին էլ մտադիր չէր իր հսկա պետության մեջ նոր պետություն ստեղծել, այն էլ օտարազգի։ Դա հուկասում էր նրա պետական սխտեմին, նրա դասակարգային և ազգային քաղաքականությունը»²⁰։

Իրենց ոգևորության շրջանում հայ գործիչները շկարողացան ռմբոսել, որ 1828 թ. մի իիւլ է, որի հետ շատ հույսեր չպիտի կապել: Արեւելյան Հայաստանի միակցումը Ռուսաստանին, հարկաւ, պատմական առաջագիմական իրողութիւն էր: Այս զնահատականի մեջ ժամանակի հայ գործիչները համերաշխ էին: Ռուսական կայսրութիւն սահմաններում Հայաստանը ֆիզիկապէս ու տնտեսապէս ապահով, լուսավորւած տեսնելու Թաղիադյանի և Աբովյանի ռոմանտիկան, ն. Աշտարակեցու և Այումդարյանի, Հ. Ամիրխանյանի ու Ղ. Լաղարյանի ազգային-քաղաքական պատրուքները ունեին պատմական իրենց որոշ արգարացումը, քանի որ մահմեդական աշխարհի դարաւոր անշարժութիւն մեջ հայ ժողովուրդը ի վիճակի չէր համախմբել իր ուժերը, նոր ուղիներ հարթելու համար՝ կաղմակերպուիլ քաղաքականապէս:

¹⁸ Այլ. Երկրցյա Ե, Ամենայն Հայոց կաթողիկոսությունը և Կովկասի Հայր XIX դարում, Մասն երկրորդ, 1895, էջ 510.

19 Տէ՛ս նույն տեղում, էջ 511:

²⁰ Վ. Պ ա ր ո ա Մ յ ա ն, Գրիբոյեդովը և հաւ-ստանական հարարերու թյունեհերը, Երեան, 1947, էջ 138—139:

Գործունեության առաջին շրջանում Խ. Աբովյանն ու Մ. Ռադիազյանը Ռուսաստանն ընկալում էին իբրև մի ամբողջություն՝ ուսու ժողովուրդ, ուսու զինվոր, ուսու կառավարիչ: Աբովյանը, օրինակ, ուստական տիրապետության մեղրամիսի շրջանում, գովարանում էր, ներբողում ցարական օրենքները, ուսու չինովնիկների գործելակերպը²¹: Պարսկա-թուրքական լծից ազատված ժողովուրդը և նրա ղրողը տակավին զմայանքի մեջ էին: «Խնդամիտ զգացմունք Երախտագետ հայկազին յաղատութիւն հայրենեաց իւրոց» բանաստեղծության մեջ նա գովեստի խոսքեր էր ձոնում Հայաստանն ազատագրող «Մեծ ինքնակալ»-ին՝ «ողորմած կայսեր նիկողայոսին»²²: Հեղինակը «Ոհ, դար Երջանիկ», «Ոհ, շքնաղ զարուն» որակումներ էր տալիս իր հայրենիքի համար սկիզբ առած նոր ժամանակին: Հրաշք թվացող նոր կյանքը ուրախությամբ էր համակել անգամ հայրենիքի վշտերով գերեզման մտած անցյալի մեծ զավակների հոգիները²³:

«Յաղատութիւն սրբոյ էջմիածնի» և «Առ կայսրն ռուսաց նիկողայոս Ա.» ոտանավորներում Սերովբե Պատկանյանը (1770—1836 թթ.) արտահայտում էր պարսկական լծից Հայաստանի ազատագրության այն մեծ ցնծությունը, որ ապրել ևն պատմական մեծ իրադարձության ժամանակակիցները²⁴:

Ժամանակի հայ գործիչների համար ռուս-պարսկական պատերազմի առաջ բերած հետևանքները նման չէին նախընթաց դարերի ավերածություններին: Ռուսական ինքնակալը, նրա գեներալներն ու բանակները ազատություն էին բերում Հայաստանին, նրա ժողովրդին: «Իսկ այժմ,— գրում էր Մանվել վարդապետ Կյումուշխանեցին,— մինչ ալցելութեամբ վերին, և բազմայաղթ ինքնակալին ամենայն Ռուսաստանեաց նիկոլայ Պալուվիչին, ազատութիւն ժամանակ հայրենեացն մերոց՝ խոհական կառաւարութեամբ և քաջ սպարապետութեամբ պայծառափայլ Երևանու Ղրաֆ Իւան Ֆէոտրիչ Պասկևիչին...»²⁵: Հեղինակը գոհ էր, որ «Եղև ականատես հրաշալի աւերակութեանց քաղաքին և պարսպացն»²⁶:

Արեւելյան Հայաստանի Ռուսաստանին միակցման առաջադիմական նոր էտապից բխող և հայերին համակած ազատագրական հուժկու պայթույթ հայ ժամանակակիցները ապրեցին ամբողջությամբ, սակայն հայ ժողովրդի նկատմամբ ցարիզմի գաղութային քաղաքականությունը դուրս չմնաց նրանց մի մասի տեսողաշտից: Տակավին ղորպատյան տարիներին Աբովյանի գրած հայրենասիրական պոեզիայից զժվար չէ նկատել, որ նրա հեղինակին հանգիստ չէր տալիս օտար պետությունների բռնությանը ևնթարկված, ինքնուրույն պետականությունից զրկված և այդ պատճառով աշխարհով մեկ սփռված իր ժողովրդի աննախանձելի կացությունը²⁷: Անդրկովկասից պոկված Աբովյանին այլևս չէր ամոքում իր հայրենիքի բարվոք վիճակը: Ռուսական տիրապետության մասին վաղեմի պատկերացումները մոլորության էին հանգում, հարկավոր էր անցած

21 ՏԵ՛ս Խ. Աբովյան, ԵԼԺ, ութերորդ հատոր, Երևան, 1958, էջ 154:

22 Խ. Աբովյան, ԵԼԺ, առաջին հատոր, Երևան, 1948, էջ 22:

23 Նույն տեղում, էջ 61:

24 ՏԵ՛ս «Երգը Սերովբե վարժապետի Պատկանեան ի լոյս ընծակալ աշխատասիրութեամբ Աւետիքայ Խաչեղեանու», Ի Մոսկուա, 1857:

25 Պատմութիւն անցից անցելոյ Սեւանայ վանոց, արարեալ Մանուէլ վարդապետի կիւմիշխանեցոյ ի 1830 ամի ի Սեւան, 1871, Վաղարշապատ, էջ 2:

26 Նույն տեղում, էջ 3:

27 ՏԵ՛ս Խ. Աբովյան, ԵԼԺ, առաջին հատոր, Երևան, 1948, էջ 69:

ժամանակաշրջանի և կոտորածի գեղերի հաշվառմամբ վերանայել հին պատկերացումները: Իր բանաստեղծություններից մեկում Աբովյանը նախանձում էր «գոտնադետ» գերութունից տղատ, Դորպատի գերմանացի ուսանող երիտասարդությունը:

«Երգեցեք, ասեմ երջանիկ որդիք տղատ բնության,
Օրհնեցեք պատաճառն՝ որ ստեղծ զձեզ ի խաղաղ երկիր,
Ուր չիք գերութիւն, ոչ սուր կամ հարուած գոտնադետ կրի,
Որով անողորմ, ազգն իմ խղճալի տանջի յաւիտեան...»²⁸:

Քայլ առ քայլ նա մերձենում էր տարիներ անո իր համար բյուրեղացած այն ճշմարտությանը, որ Խուրբամենայի պայմանագիրը ծանր և անհուսալի հիվանդի ցավերը մասնակիորեն մեղմող գեղատոմս էր միայն: Աբովյանի համար պարզ էր դառնում, որ Պարսկաստանում տառապող քրիստոնյա հայատականների համար ազատություն նվաճելու երբեք չէր մտել սեփական ժողովրդի ազատությունը ոտնահարող ցարական Ռուսաստանի հաշիվների մեջ:

Միայն կանխակալ միտումով «անհետևողականություն» որոնողները կարող են շրջանցել ցարիզմի ազգային-գաղութային քաղաքականությունը քննադատող Աբովյանի հատկապես 40-ական թվականների ստեղծագործությունները՝ ընդհանրացնելով նրա զարգացման առանձին շրջանները հատկանշող իրողությունները՝ տարածելով «մանկական թոթովանքների» տրամադրությունը նրա հետագա բոլոր ստեղծագործությունների վրա: «Մեր հրեշտակ-փրկիչ ռուս ժողովրդի հաղթանակով վերականգնանցված իմ հայրենիքի ազատագրության օրերին ում հոգին կարող էր այնքան կենդանի խանդավառված լինել այդ երջանկության հրավանքով, եթե ոչ՝ իմը: Եվ այսօր էլ պահվում են ինձ մոտ իբրև սրբություն իմ այն ժամանակվա մանկական թոթովանքները»²⁹, — գրում էր Խ. Աբովյանը 1842 թ.:

Եթե 20-ական թվականներին Աբովյան բանաստեղծը իր երախտապարտ ժողովրդի անսահման սերն էր երզում ցարին ու նրա գեներալներին, ապա «Վերք Հայաստանի»-ն գրելու նախօրեին նա տեսնում էր, թե ինչպես «խաչապաշտ» ցարիզմը «... մեր խեղճ ազգի հետն ընկած ման ա գալիս որ արինը ծծի և հոգին հանի»³⁰: Ճիշտ է, այլևս չկային պարսկա-թուրքական վայրագությունները, չէին հափշտակում և տռեռնում, գեղեցիկ աղբյուրներին բռնությունը չէին քաշում խաների հարեմները, բայց միայն այս չէր այն տնկավորությունների համադրմամբ, որ փաշայան էին հայերը:

Եթե մահմեդական տիրապետության դժոխքը Աբովյանի գրչին տալիս էր հակապարսկական միտվածություն, ապա ցարական գաղութակալությունը նրա առջև բացում էր նոր հակասություններ, որոնք այլևս չէին արգարացնում գրողի երբեմնի ռոմանտիկան ու հավատը: Նա բողոքում էր այն բանի դեմ, որ ցարիզմը ոտնահարում էր հայ ժողովրդի ազգային ինքնասիրությունն ու անկալությունները, հալածանք էր սկսել նույնիսկ ազգապահպանման ավանդական աղբյուրների դեմ: «Տեսնում էի, — «Վերք»-ի առաջաբանում գրում էր Խ. Աբովյանը, — որ էլ հայի գիրք ձեռն առնող, էլ հայի լեզուն խոսող քիչ ա գտնվում:

28 Տե՛ս Խ. Աբովյան, Ե՛կե, առաջին հատոր, Երևան, 1948, էջ 78:

29 Նույն տեղում, էջ 258:

30 Խ. Աբովյան, Ե՛կե, երկրորդ հատոր, Երևան, 1948, էջ 85:

Մեկ տղի պահոցն էլ լեզուն ա ու հավաք, թե սրանց էլ կորցնենք վայն եկել ա մեր օրին: Հայոց լեզուն առաջս փախչում էր Կրեոսի նման...»³¹: Արուվյանը սրեր էր խրում ցարիզմի տիրապետության շնորհներով արեւցած այն «հաստափոր» հայազգիների մարմինները, որոնք տրտնջալ զիրքեր, աաքուկ պաշտոններ ձեռք բերելու համար պատրաստ վին գնալ ցանկացած ստորություն: «Աստուծով հինգ տարուցը եզր էլ ոչ հայ կտեսնես, ոչ հայի տնուն կլսես, կորչին, դրանց բոքն էլ կտրվի, հայի տնումը՝ որ վրես չէր ելել, ես գիտեմ՝ թե ինչ տեղ կձարեի, ինչ փառքի կհասնեի, բանի խաչ ու կտվալեր կձարեի»³²:

Մեծ գրողը ռուսական տիրապետության դրական հետեանքները մի կողմ չէր վանում: Նա գիտակցում էր, որ Ռուսաստանի շնորհիվ հայ ժողովրդի երկրուն մակույկը փրկվել էր մահմեդական ծովի մեջ անլուր կորչելու ահավոր վտանգից: Սակայն այդ վտանգի վերացումը տակավին չէր բուժում Արուվյանին մտահոգող վերքը: «...Հայոց պատմության խոր անցյալից նյութ վերցնելով, — գրում է Արուվյանի պատմագիտական հայացքների ուսումնասիրող Վ. Ղազարյանը, — նա հնարավորություն չէր ունենա ռուսական գեների հաղթանակի գործում հայերի մատուցած ծառայությունները որպես շոնդալից ապտակ խփելու ցարական գաղութարարների երեսին, նրանց հիշեցնելու, որ հայ ժողովուրդը իր հույսերի մեջ խառնած է, որովհետեւ նրա այսօրը այն չէ, ինչ նա ակնկալում էր պատերազմի օրերին»³³: Արուվյանի «Վերք»-ը իր հայրենակիցների աչքերը բացելու, նրանց երբեմնի ակնկալությունները իրօրյա կացությանը հակադրելուն էր հետամուտ, և եթե անցյալին հավատարիմ պատմավիպասանը իր ժողովրդի երախտագիտությունն էր հայտնում ռուս մեծ ժողովրդին — այդ չէր հարկադրում նրան մոռացության տալ իր ժողովրդի ազգային-քաղաքական նպատակամղումները:

Յարիզմի գաղութային քաղաքականության նկատմամբ Արուվյանի քննադատական դիրքավորումն ավելի ուժգին հնչեց նրա կյանքի հատկապես վերջին հնգամյակում: 1847 թ. Ն. Աշտարակեցուն գրած նամակում խոսելով հայ ժողովրդի իրավադրկության մասին, Արուվյանը գրում էր, որ չի կարելի անհրկատ անցնել այն ամենի կողքով, որոնց մասին քարերն էլ են աղաղակում, չի կարելի սրտում թաքցնել այն տանջող ցուլը, որն ղգում է ամեն մի հայրենասեր: «Ինչու են խաբում մեզ, — շարունակում է հեղինակը, — Կովկասի կեղծավոր լրագրերը, թե մեր տղը փառքի ու բարեբախտության մեջ է, որ ճըշմարտության օղալին շոխեղ ! միայն»³⁴: Հայտնի է, որ Անդրկովկասի տնտեսական նվաճման ուղղությամբ դաժան միջոցառումներ կիրառելուն ղուզընթաց, ցարիզմը ուժեղացնում էր ռուսացման քաղաքականությունը, օրավուր սեղմում ազգային-կրթական գործի շրջանակները: Յարիզմի քաղաքականության հիշյալ կողմերը նկատի ուներ Արուվյանը, երբ գրում էր՝ «...Ռուսաց տերության խնամքի թեքի տակ տնտեսականությունը և անկարգությունները կեղեքում են ամեն մի տեսնող անցավորի անմեղ սիրտը»³⁵:

31 Խ. Ա. ր. ւ. յ. ան, Եկժ, Երրորդ հատոր, Երևան, 1948, էջ 5:

32 Նույն տեղում, էջ 237:

33 Վ. Ղ. ւ. ր. յ. ան, «Վերք Հայաստանի»-ի ղաղափարական բովանդակության մի բանի հարցեր, «Պատմա-բանասիրական հանդես», 1966, 1, էջ 145:

34 Խ. Ա. ր. ւ. յ. ան, Եկժ, տասներորդ հատոր, Երևան, 1961, էջ 295:

35 Նույն տեղում, էջ 296:

Ցարական ինքնակառույցի կողմից Հայաստանում իրագործվող միջոցառումները Արուստանը միանգամայն անբավարար էր համարում երկրի արտադրողական ուժերի հետագա տճի, բնակչության մշակույթի զարգացման և ժողովրդի բարեկեցության բարձրացման համար:

Ցարական բանակների օգնությամբ պարսկական լծից ազատագրված հայ ժողովուրդը և նրա գործիչները մեծ սպասելիքներ ունեին Ռուսաստանից, մինչդեռ «Քարերար Ռուսաստանը,— հեղինակը,— ժողովուրդների ցանկության և սովորույթներին հակառակ ոչ մի բան չի կամենում ձեռնարկել: Միապետություն, խաղաղություն, և կրոնի և ազգային,— թեև հնացած, քարացած,— սովորությունների և ասրելակերպի ազատություն, ահա Ռուսաստանի հայրական միջոցառումներն ու որոշումները»³⁶: Կամ՝ «...Ավագ ուսուցիչ Ֆիլագելֆինը դեռ համարձակվեց արտահայտվել ահա թե ինչպես. «Կառավարությունը ցանկանում է ոչնչացնել տեղական լեզուները, իսկ դուք ուզում եք զբրանց կենդանացնել ու ամրապնդել»³⁷:

Ցարիզմի հայկական քաղաքականության արդյունքներից յուրովի անբավականություն էր հայտնում նաև Մ. Թադիադյանը: «Կէս գարուց և այսը,— գրում էր նա «Ազգասէր Արարատեան»-ում,— բովանդակ ազգ հայոց զոգ ծերունին Սիմէօնանայր սիրայրեաց փափագանօք տեսանել զսերսես իւր ամոռ սրբոյ Լուսաւորչին հաւատացեալ՝ թէ համանգամայն ծաղկել ազգն ամենաշատուիդ գիտութեամբ՝ և աշխարհն պայծառանայր արեւստիք քաղաքականութեամբ: Եկն էհաս փափագանաց իւրոց. բայց զեռ ազգն փափագի հասնել իւրոցն և դեռ ոչ էհաս փափագանաց իւրոցն և դեռ ոչ էհաս»³⁸:

Այսպիսով, հայ-ռուսական քաղաքական հարաբերությունների երկարատև ուղին վերջում հանգեց Արևելյան Հայաստանի միակցմանը Ռուսաստանին, դառնալով XVIII դ. հայ ազատագրական շարժման ղեկավարների ակնկալած անկախությունն էր և ոչ էլ միակցման շրջանի հայ գործիչների փափագած ինքնավարությունը: Նրա ցարական ինքնակառույցի վարչական, հասարակական-քաղաքական հիմնարկները դուրս եկան ցարի, նրա դիվանագետ գեներալների՝ փայտյուն խոստումների դառն հիասթափություն բերող մի ծաղրանկար, ժամանակակիցներին այդ պահ միայն ակներև դարձավ, որ ցարիզմի խոստացած հայկական անկախությունը կամ ինքնավարությունը ոչ այլ ինչ էր, եթե ոչ ռուսական ինքնակալի բացարձակ իշխանությունը: Հայ ժողովրդի դարավոր երազանքը վերածվեց ռուսական կայսրության մի անկյունում տնձի ու գուլքի ապուհովությամբ ապրելու երաշխիքի: Հնից նորին անցնելու ժամանակաշրջանը երկակի հայացքի տակ դրեց հայ գործիչների հասարակական-քաղաքական միտքը. նրանք որոշակիորեն արտահայտեցին պատմական բեկմանը յուրահատուկ հասարակական խավերի ձգտումներն ու տրամադրությունները: Կատարված գեպերի փոխումը հասու դառնալուց հետո, հայ գործիչների մի խումբն ընտրեց նոր կարգերի հետ հաշտվելու ուղին: Այդ խմբի ամենանշանավոր գեմբը՝ Ն. Աշտարակեցին հետագայում ոչ միայն համակերպվեց ցարական ռեակցիայի ընթացքին, այլև փորձեց հայ կյանքի հնարավոր հեղափոխումը կանխել պետա-

³⁶ Տե՛ս ն. Արուստան, Էժ. յոթերորդ հատոր, Երևան, 1956, էջ 183:

³⁷ Նույն տեղում, էջ 196:

³⁸ «Ազգասէր Արարատեան», 1849, էջ 226:

կան պաշտոնյայի բարեխոսությամբ և իշխանության դաժանությունը բողոքողի ցավագին թախանձանքներով:

Ստեղծված նոր իրադրության հանդեպ այլ զիրքորոշում ունեցան լուսավորիչ-դեմոկրատները (Հ. Ալամդարյան, Մ. Թադիադյան, Խ. Աբովյան): Աշտուրակեցուց ոչ պակաս, 20-ական թվականներին, սրանք ևս խանդավառված էին Հայաստանում ուսական տիրապետության հաստատմամբ և ձոներ ու ներբողներ էին գրում այդ առթիվ: Երեսնական թվականները դարձան իդեալի և իրականության տարանջատման տարիներ: Ցարական կառավարությունը Անդրկովկաս և Հայաստան փոխադրեց ուսական ֆեոդալա-նորտոտիրական իրականության հոռի կողմերը: Աբովյանը եկավ այն համոզման, որ ցարիզմը ոչ թե ազատագրել, այլ «...նվաճել է Հայաստանը»³⁹, իսկ ազատագրական խոստումները նրա գաղութային քաղաքականության նպատակների կենսագործման համար լուկ նախերգանք են ծառայել: Քննադատելով ցարիզմի քաղաքականությունը, Թադիադյանը և Աբովյանը բարձր էին գնահատում հայ հայրենիքի մի հատվածի Ռուսաստանին միակցման առաջադիմական նշանակությունը: Նվ դա ոչ միայն այն պատճառով, որ հայ ժողովուրդը ազատվել էր ֆիզիկապես խեղիսեղման ենթարկվելու հնարավոր վտանգից ու արևելյան ֆեոդալիզմին ներհատուկ աղետներից, այլև այն տեսակետից, որ Արևելյան Հայաստանը դառնում էր ազգահավաքման մի օջախ: Հիրավի, Արևելյան Հայաստանի՝ Ռուսաստանին միակցմամբ նախապայմաններ ստեղծվեց հայրի ազգային կոնսոլիդացման համար, սակայն պատմական այդ իրողությամբ միայն ըսկըսվեց, բայց չավարտվեց այդ գործընթացը, որչափ ցարիզմի գաղութային քաղաքականությունը Անդրկովկասում բազմաթիվ խոչընդոտներ էր ստեղծում երկրի արտադրողական ուժերի հետագա զարգացման, անցյալի ֆեոդալական մնացուկների վերացման, ժողովրդական զանգվածների հետամնացության լիկվիդացման առաջ և ձնշում նրանց հասարակական-քաղաքական դարձման քանքները:

³⁹ Խ. Աբովյան, ՆԷԺ, յոթերորդ հատոր, Երևան, 1956, էջ 169: